

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", br.39/14), a u skladu sa članovima 88 i 64. stav 1.b) Zakona o javnim nabavkama Bosne i Hercegovine te na osnovu preporuke Komisije za javne nabavke, a po provedenom postupku za nabavku usluga putem konkurenskog zahtjeva za dostavu ponuda sa predviđenim potpisom okvirnog sporazuma na period od godinu dana , Rukovodilac Službe Pomoćnik gradonačelnika za Službu za komunalne poslove, izgradnju i poslove mjesnih zajednica donosi:

## **ODLUKU o izboru najpovoljnijeg ponuđača**

### **Član 1.**

**Usluge nadzora nad izgradnjom objekata komunalne infrastrukture, usluge revizije projektne dokumentacije, usluge izrade elaborata PPZ-e i usluge izrade elaborata ZNR (4 LOT-a),** dodjeljuje se sljedećim ponuđačima:

#### **LOT 1: Usluge nadzora nad izgradnjom objekata komunalne infrastrukture**

Dodjela za ponuđača: **INPROZ - Institut doo Tuzla** koji je dostavio ponudu br.1875/15 od 07.07.2015 godine, za obavljanje usluga nadzora nad izgradnjom objekata komunalne infrastrukture ponudio procenat 1 % u odnosu na ugovorenu vrijednost radova bez PDV-a.

#### **LOT 2: Usluge revizije projektne dokumentacije**

Dodjela za ponuđača je: **INPROZ - Institut doo Tuzla** koji je dostavio ponudu br.1875-1/15 od 07.07.2015 godine za obavljanje usluga revizije projektne dokumentacije ponudio procenat 0,25 % u odnosu na projektovanu vrijednost radova bez PDV-a.

#### **LOT 3: Usluge izrade elaborata PPZ -e**

Dodjela za ponuđača: **INSTITUT ZA ZAŠTITU, EKOLOGIJU I OBRAZOVANJE dd Tuzla** koji je dostavio ponudu br.1880-P/V-15 od 13.07.2015 godine za obavljanje usluge izrade elaborata PPZ-e po jediničnoj cijeni pružene usluge, ponudio cijenu u iznosu od 100,00 KM bez PDV-a, odnosno ukupnu cijenu sa uračunatim PDV-om u iznosu od 117,00 KM.

#### **LOT 4: Usluge izrade elaborata ZNR-u**

Dodjela za ponuđača: **INSTITUT ZA ZAŠTITU, EKOLOGIJU I OBRAZOVANJE dd Tuzla** koji je dostavio ponudu br.1880-P/V-15 od 13.07.2015 godine za obavljanje usluge izrade elaborata PPZ-e po jediničnoj cijeni pružene usluge, ponudio cijenu u iznosu od 100,00 KM bez PDV-a, odnosno ukupnu cijenu sa uračunatim PDV-om u iznosu od 117,00 KM.

### **Član 2.**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### **Član 3.**

Ova odluka objavit će se na web stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 4.**

Ova odluka stupa na snagu danom donošenja.

#### **Obrazloženje**

Postupak javne nabavke pokrenut je Odlukom o pokretanja postupka javne nabavke br. 05-01-23-125/15 od 30.06.2015 godine. Postupak nabavke je proveden konkurentskim zahtjevom za dostavu ponuda za koji je objavljeno obavještenje o nabavci broj: 1004-7-2-60-3-43/15 na Portalu javnih nabavki dana 03.07.2015 godine.

Postupak nabavke provela je Komisija za javne nabavke imenovana Rješenjem br. 05-01-23-125-1/15 od 30.06.2015 godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda 4 (četiri);
- da je blagovremeno zaprimljeno 4 (četiri) ponude;
- da nije bilo neblagovremenih ponuda;
- da je broj prihvatljivih ponuda 4 (četiri);
- da je broj neprihvatljivih ponuda 0 (nula).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Pouka o pravnom lijeku

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD TUZLA  
Služba za komunalne poslove, izgradnju  
i poslove mjesnih zajednica

RUKOVODILAC SLUŽBE  
POMOĆNIK GRADONAČELNIKA

Kurević Kemal, dipl.ing.maš.

Broj: 05-01-23-125-4/15  
Tuzla, 24.07.2015. god